

Intune vore di cês la lenghe e je doprade par inizativis comerciâls e par produzionis. Storie dai gadgets dai timps dai fantats furlans a vue. » DI CHRISTIAN ROMANINI

Il life trainer tra i plui inno-
menât tal mont, cualchidun
lu definis adiriture il numar un,
Robert Jhonson, za consulent
dal president dai Stâts Unîts **Bill
Clinton**, dal campion di basket
Micheal Jordan, dal fondadôr di
Microsoft Bill Gates e di cetan-
tis altris aziendis a nivel mon-
diâl, al à teorizât il principi dal
"distinguisi par no estinguîsi".

Une vere filosofie dal business
che e pues sintetizâsi cu la neces-
sità di valorizâ lis propriis car-
teristichis plui tipichis par cjatâ
une posizion sul marcjât.

A puedin someâ teoriis astrat-
tis, ma aromai al è un dât di fat
che simpri di plui ancje in Eu-
rope l'aspriet locâl, lenghe com-
prindude, al ven doprât tant che
element di fuarce par fâ zirâ la
economie. Nol covente fevelâ
dome di Scozie o Catalonie o Ga-
les, al bastarès fermâsi in Friûl.

AGNS INDENANT

Probabilmentri in chê volte no
cognossevin Jhonson ni lis sôs
teoriis, ma a son passâts sù par
jù 20 agns di cuant che un grup
di zovins al à dade vite al 'Faf,
fantats furlans', la associazion di
zovins pal Friûl 'nassûts par cre-
vâ e vonde'. Par autofinanziâsi a
àn scomençât a produci lis mai-
utis cu lis scritis par furlan che
a àn vût di subit un grant sucès
"In ocasion de adunade alpine
dal 1996 a Udin la maiute dal
Superfurlan e à propit 'crevât' di



Se la economie e dopre il furlan

brut" al ricuarde **Luca Gervasio**,
un dai plui atif za di in chei agns
"nus corevin daûr par vêle!"

Di in chê volte a àn zirât sim-
pri di plui gnûfs modei, ma ancje
gnovis esperiencis comerciâls:
Dree Venier, il papà dai Gno-
gnosours e ancje lui dal Faf, al
dissegne inmò vuê lis maiutis
dal Friulpoint, dite fondade di
so pari Giovanni ae fin dai agns
Novante e aromai presinte intu-
ne vore di buteghis in dut il Friûl.

Adiriture il sproc di une des
lôr maiutis plui resintis e chê e à
vût grant sucès, 'Keep calm and
fevele furlan', al è stât adotât de
Agjenzie regionâl pe lenghe fur-
lane propit par realizâ gadgets
istituzionâi tant che cartulinis,
adesîf, braçaletus e penis. E su

cheste idee di economie leade ae
identitàt e ae lenghe furlanis, tai
agns ancje altris imprenditôrs,
tant che la GPZeta di Udin e il
Regional Store di Pordenon, juste
par fâ doi esemplis, a àn svilupad-
is produzionis che a valorizin il
Friûl, midiant di scufis, bandie-
ris e tancj altris gadgets dulà che
no puedin mancjâ i diviers mo-
dei di maiutis.

Forsit che al stedi sbaliand cui
che al pense inmò che il furlan
nol covente? A cheste domande
retoriche al à za rispuidût il stes
Venier "La cuistion no je 'dulà si
vadiâl cul furlan?' ma 'dulà va-
diâl il Friûl cence lenghe fur-
lane?': al sparîs!"



ilfriuli@ilfriuli.it

■ GNOVE VERSION

**Vicins di cjase?
... No, di cjistiel!**

La Aministrazion co-
munâl di Glemone, in
colaborazion cul Sportel So-
recomunâl pe lenghe fur-
lane dal Glemonàs, e à cetant
plasê di presentâ la gnove
version dal volum in lenghe
furlane "Vicins di cjase?...
No, di cjistiel! E il sium al de-
vente realtât", scrit di **Paola
Lupini**, cun ilustrazionis di
Antonella Cucchiario.

Si trate di un libri ilustrât, za
jessût tal 2009 te golaine di
libris pe infanzie in lenghe
furlane dal Comun di Glemone,
che cumò al ven pub-
licât intune version gnove,
cuntun gnûf finâl, a cele-
brazion de ultimazion de
ricostruzion dal Cjistiel di
Glemone.

La presentazion uficiâl de
publicazion si fasarà domenie
ai 24 di Mai, aes 13.30, sul sa-
grât dal Domo a Glemone, in
ocasion de direte televisive di
Telefriuli "Il Campanile della
Domenica". Al event a parte-
ciparan ancje i arlêfs de Scue-
le primarie di Plovie. Tal cês
di brut timp, la presentazion
si fasarà sot de Loze di Palaç
Boton.

SCOLTADIS DI DRIUS

Pôc preparâts

A pensai ben, el
matrimoni a l'è come
le muâr. E son pôs
chei che rivin fin li za ben
preparâs.





SMS: 393 00 90700
diretta@radiofantasy.it
TEL. +39 0431 30022

la radio tra la gente

UDINE VENETO ORIENTALE	FM 90.700	GORIZIA	FM 89.100	PAULARO	FM 107.700
PORDENONE	FM 95.800	TRIESTE	FM 89.100	TOLMEZZO	FM 101.600

www.radiofantasy.it